

Poštovana ministrice Pendeš, načelnice Zajedničkog štaba generale Mašoviću, generale Ahmiću, gospodo generali, gospodine Šiljegoviću, poštovani pomoćnici ministra odbrane, uvaženi gosti iz EUFOR-a, NATO štaba u Sarajevu, Kancelarije za reviziju finasijskog poslovanja, Agencije za prevenciju i borbu protiv korupcije, SIPA-e, drugih institucija i organizacija, dame i gospodo,

Želim da vas pozdravim i izrazim svoje zadovoljstvo što prisustvujem današnjoj, 13-oj po redu Godišnjoj konferenciji Generalnog inspektorata Ministarstva odbrane.

Generalni inspektorat je veoma važan organizacioni dio Ministarstva odbrane i važan instrument u rukama ministra odbrane.

Zadaci inspektorata kroz obuku i obrazovanje profesionalnih lica, pružanje pomoći, preliminarne istrage i istrage omogućavaju sagledavanje stanja u svakom segmentu odbrambenog sistema i Oružanih snaga.

Dobra saradnja i zajedničko rješavanje predmeta sa Parlamentarnim vojnim povjerenikom, još više doprinosi otklanjanju problema i poduzimanju mjera u cilju podizanja profesionalnih standarda, poštovanju procedura i unapređenja sistema u cjelini. Mislim da je potrebno istaći i saradnju sa Kancelarijom za reviziju institucija BiH i drugim institucijama i organizacijama u zemlji i inostranstvu.

Kada je riječ o unapređivanju sistema posebno je značajan angažman Generalnog inspektorata na iniciranju i davanju preporuka za poboljšanje određenih propisa od značaja za Oružane snage i Ministarstvo odbrane. Prethodno iskustvo nam govori da su mnogi problemi otkonjeni i da su određena pitanja bolje regulisana nego što je to bilo ranije. Generalni inspektorat je u prethodnom periodu opravdao svoje postojanje i značajno doprinjeo unapređenju stanja u Oružanim snagama.

Uz čestitke za dosadašnje rezultate Generalnog inspektorata, želim Vam uspješan rad današnje Konferencije.

Hvala!